

Dor uff habin die rethe die gemeine uff mittewoche noch omnium sanctorum vor sich vorboth vnde yn irer geynwertikeit alle punct vnde artikel obinberurt lessin lasßin, alßo haben sie eyntrechtlich dor yn gewilliget vnde deme alßo zeuthune den rethen zeugesaget, vnde habin dorzeu den rethin allin iungk vnde alltt vleyßiglich gedancket.

Nach dem Rathsbuch fol. 8^b im Archiv des K. Bezirksgerichts zu Leipzig.

No. 407. 1466. 3. Nov.

Beschluss der Rätthe über die Erhebung und die Höhe der städtischen Abgaben von Wein und Meth.

Es habin die opgnantin rethe anno et die quibus supra forder gerathslaget vnde der statt, dem rath vnde der gemeyne zeu nutez vnde zeu gedien irkant alßo vmbe das wynschenken, vnd setezin vnde irkennen keynwertichlich, das do nuhynforder eyn iczlicher, der do mit wyne vmbe ghet hantiret vnde den schenket, dem do wyn addir methe wirt yngeleit, wie vil des ist addir syn wert, der sal sollichin nyddirgeleiten wyn addir methe, so der nyddir geleit wert, ganz vnde gar vorslegeschaczten vnde vorrechten; es werde der wyn von deme, der ðn bey sich hat, widder vß ganz vorkouffet addir werde vorschaneckt addir sust vßgetrunken, wie daß zeukommen mag, so sall es den rath an synem slegeschaczze vnde an siner gerechtikeit nichtiß hyndern, eß sall dem rathe, wie oben vermeilt, der slegeschacz do von ganz vnde vorfall gefallen, es were denne das einer, der den wyn nydder vnde bei sich geleit hette, sollichen nydder geleiten wyn widder vß sinem kellire busßen die statt an andern ende bei siner kostt vnde ezerunge vnde uff syne eigene ebenthüere an fromde stete addir lant schickte, sollichin wyn solde der selbige frie vnuorslegeschacz vffladin vnde hyn wegk schicken vnde dorffte do von dem rathe nichtiß gebin: süst, wie oben vermeilt ist, sal ein iczlicher syne wyne vor foll, so er die bei sich geleit hat, vorslegeschaczten, ye den eymer mit so vil groschin, alßo vmbe vil pfennige eyn nößil gegeben vnde vorschankt wirt, vnde do von sal man nymande nichtiß widdir gebin, vßgenommen alleyne die hohen wyne alßo Malmasier Reynfall vnde Welsche wyne, do sal eyn iczlicher, der die schenkett, von dem eymer nicht mehri gebin denne VIII groschen der hochsten vnde besten were. Item so sal eyn iczlicher, der do behirwyne bei sich leit, die behirwyne die helfte vorslegeschaczten vnde die andern helfte vmbe sust behalden.

Nach dem Rathsbuch fol. 9 im Archiv des K. Bezirksgerichts zu Leipzig.